

Préface

Chères Soeurs de la Nassirat-ul-Ahmadiyya

L'Islam c'est ène trésor qui Allah fine donne nous. Pour nous capave gagne banne l'avantages de ça trésor-là nous besoin étudier li, conne so valeur et mette li en pratique.

Quand le Mousleh Ma'oud^(r.a) fine mette deboute la Nassirat-ul-Ahmadiyya, c'était dans le but pour réforme banne filles de la Jamaat Ahmadiyya pour qui demain zotte vine banne musulmanes modèles dans la société. Banne classes de la Nassirat fine établi avec ça but là-même et nous pé essayé, dans le très peu de temps qui ène zenfant passé dans la Nassirat, pou donne li ène maximum de connaissance de base sur l'Islam.

Nous espéré qui le syllabus qui nous fine établir pour profite à tous nous banne Nassirats. Qui Allah béni zotte avec la connaissance, la piété et la sagesse! Amine!

Nous tenir à remercier toutes celles qui fine donne zotte létemps pour prépare ça syllabus-là, Mme Yasmeen Nobee et tout so l'équipe. Qui Allah récompense zotte pou zotte banne zefforts!

Mme. Amatul Haye Jawaheer

Sadr Lajna de l'Ile Maurice

Janvier 2014

CONTENTS

1ST TERM- JAN TO APRIL

- 1 Les attributs d'Allah
- 2 Hazrat Abu Bakr Siddique^(r.a) (1^{ère} partie)
- 3 Hazrat Abu Bakr Siddique^(r.a) (2^{ème} partie)
- 4 Hazrat Umar^(r.a) (1^{ère} partie)
- 5 Hazrat Umar^(r.a) (2^{ème} partie)
- 6 Ki faire banne enseignements de banne religions, zotte différents?
- 7 Mousleh Maoud(1^{ère} partie)
- 8 Mousleh Maoud(2^{ème} partie)
- 9 Prononciation de banne alphabètes arabes
- 10 La vie du Messie Promis

2ND TERM- MAY TO AUG

- 11 Hygiène personnelle
- 12 La vie du Saint Prophète^(s.a.w)
- 13 Roza
- 14 Hazrat Uthman Ghani^(r.a)
- 15 Hazrat Ali^(r.a)
- 16 La bonté envers les autres
- 17 Obeissance envers Les Parents
- 18 Time table de banne activités à la maison
- 19 Bonnes actions
- 20 Contrôle ou colère

3RD TERM- SEP TO DEC

- 21 6 principes de l'Islam ou nous banne croyances
- 22 L'unicité d'Allah
- 23 Hazrat Khadija^(r.a)
- 24 Hazrat Aisha^(r.a)
- 25 Wuzu and tayyamoum
- 26 Hospitalité
- 27 Rechercher la connaissance
- 28 Hadj: Pèlerinage à la Maison d'Allah (1^{ère} partie)
- 29 Hadj: Pèlerinage à la Maison d'Allah (2^{ème} partie)
- 30 Écrire à Huzour Aqdas

DOAHS

AGE GROUP 9 YRS

1ST TERM

1. Revision of previous doahs
2. Doah after Adhaan with translation
3. Doah Qunut: Either
“Allahoumma inna nasta...” (PM* pg. 32)
Or Allahoummah dini fiman...(PM* pg.33)

2ND TERM

4. Revision of previous surahs
5. Sura An-Naas
6. Sura Al-Nasr

3RD TERM

7. Sura Al-Falaq
8. Doah When Studying with translation (PM* pg. 73)
9. Doah for the Khalifa with translation:
Allahoumma ayyid Khalifataka, Amiral mouminina, binasril azizati wabi
rouhil-qouddousiwa'ah fizou minal balaya
O mo Allah! Soutenir To calife, commandeur des croyants, avec ene aide
bien fort et l'esprit saint. Et protége li contre banne difficultés.
10. Doah on entering and leaving mosque with translation (PM* pg. 95)

(*PM: La Prière Musulmane)

AHAD : AFFIRMATION DE FOI
Nassiratul Ahmadiyya

Ash-hadou allaa ilaaha illallaahou /
wahdahou laashariika lahou /
wa ash-hadou anna /
mouhammadan 'abdouhou /
wa rasoulouhou.

أَشْهَدُ أَنْ لَا إِلَهَ إِلَّا اللَّهُ
وَحْدَهُ لَا شَرِيكَ لَهُ
وَأَشْهَدُ أَنَّ
مُحَمَّدًا عَبْدُهُ
وَرَسُولُهُ

Mein waada karti houn /
Ké dîné islaam aur ahmadiyyat kaum /
Aur watan ki khidmat karné ké liyé /
har dam tayaar rahoungi.
Hamésha satch boloungi /
Aur Hazrat Khilaafatul Massih /
ké tamaame houkmon par /
amal karné ki koshish karoungi /
Insh'Allah

میں وعدہ کرتی ہوں
کہ دین اسلام اور احمدیت قوم
اور وطن کی خدمت کرنے کے لئے
ہر دم تیار رہوں گی
ہمیشہ سچ بولوں گی
اور حضرت خلیفۃ المسیح
کے تمام حکموں پر
عمل کرنے کی کوشش کروں گی

انشاء اللہ

Traduction :

Mo attesté qui péna personne digne d'être adoré à part Allah, Li Ène ;
Li péna partenaire et mo attesté qui Mohammad(s.a.w) li So Serviteur
et So Messager

Mo promesse qui mo pou toujours prête pou servi la religion Islam, la
communauté Ahmadiyya, et mo pays. Mo pou toujours cause vrai. Et
mo pou faire de mo mieux pour obéir à tous banne l'ordres de Hazrat
Khalifatul Massih. Insh'Allah.

1ST TERM — JAN TO APRIL

1. Les attributs d'Allah

Nous fine déjà appranne 4 attributs d'Allah qui mentionné dans Surah Fatiha

رَبُّ الْعَالَمِينَ Rabboul 'Aalamîne :

le Seigneur ou Créateur de l'Univers.

الرَّحْمَنُ Ar-Rahmâne: le Gracieux.

الرَّحِيمُ Ar Rahîme: le Miséricordieux.

مَالِكِ يَوْمِ الدِّينِ Maaliki-Yaumiddîne:

le Maître du Jour du Jugement.

Dans Quran et Hadiths fine mentionne plus qui 100 attributs d'Allah. Allah dire dans le Saint Quran :

« Et pou Allah-Même tout banne joli noms (attributs), alors appelle Li par ça banne noms-là. »

Quand nous faire doah, li important qui nous prend le nom d'Allah qui spécifique à nous demande. Par exemple, quand nous demande Allah pardon pour nous banne péchés, nous besoin prend le nom *Al-Ghaffar* qui veut dire 'Celui qui extrêmement pardonnant'.

Voici quelques autres noms ou attributs d'Allah :

الْعَلِيمُ Al-Alîm : Celui Qui conne tout

الْبَصِيرُ Al-Basîr : Celui Qui trouve tout

السَّمِيعُ As-Samî : Celui Qui bien tendé

الْغَفَّارُ Al-Ghaffar : Celui Qui extrêmement pardonnant

الْحَفِيزُ Al-Hafeez : Le Gardien

2. Hazrat Abu Bakr Siddique^(r.a) (1^{ère} partie)

Après la mort de Hazrat Mohammad^(s.a.w) banne incroyants ti croire qui l' Islam pou fini la même. Jama' at pou casser, qui pas pou éna l' unité parce qui le Prophète^(s.a.w) fine mort. En effet li ti possible qui ène telle chose arrivé. Mais Allah le Tout-Puissant fine dire qui Li pou protège ça religion là et par So la grâce, Allah fine envoie banne Khalifas pou continué travail qui le Prophète^(s.a.w) fine commencé.

Il est vrai qui ène Khalifa li élu par banne dimounes mais c' est Allah qui choisir li et c' est Allah qui faire comité électoral choisir le Khalifa. Et quand Allah fine choisir ça Khalifa là, Li donne li tous capacités et moyens qui li besoin pou accomplir So travail.

Après Hazrat Mohammad^(s.a.w), quatre Khalifas fine succède li et pendant environ 29 ans seulement fine gagne les bénédictions du Khilafat. Nous pou guetté qui qualité dimoune ça banne Khalifas-là ti été et qui quantité travail zotte fine accomplir avant et après zotte Khilafat. Banne Khalifas après Hazrat Mohammad^(s.a.w) nous appelle zotte Khulafa-e-Rashédine.

Premier Khalifa de l' Islam ti appelle Hazrat Abou Bakr^(r.a) (razi Allah anho qui veut dire qui Allah content de lui).

Hazrat Abou Bakr^(r.a) ti né en l' an 573 après J.C. et so vrai nom c' était Abdoul Kaaba. Quand li ti petit li ti habitué joué avec banne ti chameaux alors zotte fine donne li le nom de Abou Bakr qui veut dire le père des petits chameaux. So papa ti appelle Abou Qouhafa et so maman ti appelle Salma et zotte ti aussi appelle li Oummoul Khair.

Hazrat Abou Bakr^(r.a) ti deux ans plus petit que le Saint Prophète^(s.a.w) et li ti amène ène la vie bien disciplinée et li ti évite tout banne mal qui banne jeunes ti pé faire dans so l' époque. Malgré qui li pas ti gagne ène grand l' éducation so causé ti bien éloquent c' est-à-dire qui so banne mots ti expressifs et ti pé touche banne dimounes.

Quand li ti éna 18 ans li ti faire ène commerce la toile. Li ti honnête, travailleur, régulier et donne beaucoup de peines. So commerce fine grandi et li fine vine ène des plus riches commerçants de la Mecque et so statut social fine monté de même. Et li fine vine chef de so tribu Banou Taim.

So premier mariage ti avec Qoutaila, et li fine gagne deux enfants Asma et Abdoullah. Li fine marié ène deuxième fois avec ène veuve, Oumme Rouman qui ti maman de Abdour Rahman et de Aïcha. Li ti amène ène la vie tranquille et pure.

Hazrat Abu Bakr^(r.a) ti ène camarade très proche du Saint Prophète^(s.a.w). Li ti parmi banne premier missié pour accepter proclamation du Saint Prophète^(s.a.w). Li ti gagne le titre de Siddique qui veut dire le ‘véridique’. Pendant toute so la vie, li fine reste tout le temps dévouer à l’Islam.

Hazrat Abu Bakr^(r.a) ti ène compagnon fidèle du Saint Prophète^(s.a.w) et tous les temps li fine reste à so côté, même pendant la guerre. Le Saint Prophète^(s.a.w) ti pé prend conseils avec li lor presque tout zaffaires. Plusieurs fois li fine gagne l’occasion et le grand honneur pour alle au secours de Hazrat Mohammad^(s.a.w). Banne évènement de Hijra, l’émigration vers Médine, démontré la grandeur spirituelle de Hazrat Abou Bakr^(r.a) et confiance qui Hazrat Mohammad^(s.a.w) ti éna dans li. Pendant ça voyage là li tout seul ti accompagne Hazrat Mohammad^(s.a.w). Le Saint Coran décrire Hazrat Abu Bakr^(r.a) comme Thani Athnain, c’est-à-dire, ‘le second des deux’ quand faire mention de l’incident dans cave Thaur côte Allah fine sappe zotte depuis banne ennemi.

Hazrat Abu Bakr^(r.a) ti pé toujours essaye surpasse banne les zotte dimoune dans banne sacrifice de so l’argent et dubiens. Éne fois pour bataille Mûta, le Saint Prophète^(s.a.w) ti dans ène grand besoin d’argent. Hazrat Umar^(r.a) ine offert la moitié so du biens alors qui Hazrat Abu Bakr^(r.a) fine amène tout so du biens depuis so la case pou donne le Saint Prophète^(s.a.w).

Le Saint Prophète^(s.a.w) ti marier avec Hazrat Ayesha^(r.a) qui ti la fille de Hazrat Abu Bakr^(r.a). Pendant le Hajjatul-Wida qui aussi appelle le dernier pèlerinage, le Saint Prophète^(s.a.w) fine choisir li pour dirige tous namaz. Hazrat Abu Bakr^(r.a) ti parmi sa banne dimounes qui le Saint Prophète^(s.a.w) fine donne la bonne nouvelle qui Allah pou récompense zotte avec Paradis.

3. Hazrat Abu Bakr Siddique^(r.a) (2^{ème} partie)

So Khilafat :

Après la mort du Saint Prophète^(s.a.w) c'est Hazrat Abu Bakr^(r.a) qui ti élu le premier calife. Li ti éna ène très grand responsabilité lors so le dos et à cause de la mort subite du Prophète Muhammad^(s.a.w), la situation ti bien difficile pour gouverner.

Le premier problème ki fine éna c'est ki quelques tribus fine renonce à l'Islam simplement parce qui zotte pas trouve le besoin de suivre ène successeur du Saint Prophète^(s.a.w). Et zotte fine aussi plan pou attaque Médina pou fini l'institut du Khilafat. Hazrat Abu Bakr^(r.a) quand li fine gagne nouvelle de zotte plan, li fine envoye banne l'armée pou arrête sa rebellion-là.

Le deuxième gros problème qui Hazrat Abu Bakr^(r.a) fine gagné, c'est qui beaucoup dimoune fine refuse paye zakaat, ki ti nécessaire pour paye banne dépenses de l'état islamique mais aussi pou donne à banne pauvres. Hazrat Abu Bakr^(r.a) fine alors promette ki li pou faire tout dimoune paye zotte zakaat et ki li pou faire tout le nécessaire afin de tenir so promesse.

Plus dangereux de tous banne problèmes, c'est ki bon nombre dimoune ambitieux ti pé prétendre être prophètes et zotte ti pé commence monte ène rébellion contre l'état islamique. Masaïlima et Aswad Ansi ti regroupe ène grand l'armée et zotte ti capture quelque territoire de l'état islamique. Hazrat Abu Bakr^(r.a) ti prêt pou la guerre avec banne fausse prophètes-la et malgré

le peu de moyen ki zotte ti éna, Allah fine donne zotte la victoire. Après la victoire contre banne rebellion interne, Hazrat Abu Bakr^(r.a) ti pé bisin commence prépare li contre banne ennemis en dehors, ki ti pé rode détruire sécurité dans l'état. L'armée musulmane ki ti sous le commandement de Khalid Bin Walid^(r.a) ti détruire rebellion dans Bahrain. Et puis c'est banne Persans avec support banne rebelles de Bahrain ki ti attaqué et ène fois encore l'armée musulmane fine batte zotte. Ti aussi gagne victoire dans bataille contre l'armée Romaine dans bataille Ajnadan et Yarmuck et c'est ainsi que toute la Syrie fine vine sous le contrôle de l'état islamique.

Ene l'autre grande réussite du Khilafat, c'est la compilation du Quran dans ène seule volume. Même si l'écriture et l'ordre du Quran ti faire sous la supervision du Saint Prophète^(s.a.w), li ti éparpiller sur différent morceaux de feuilles, d'ardoise et de peau. Hazrat Abu Bakr^(r.a) ti ramasse tous sa banne l'écritures-là dans ène seule volume.

Hazrat Abu Bakr^(r.a) ti mort le 23 août 637 AD après ki li ti gravement malade pendant 15 jours. Li ti calife pou ène periode de 2 ans seulement. Pendant so Khilafat, Hazrat AbuBakr^(r.a) avec beaucoup de succès fine récupère et protège l'intégrité de l'état islamique contre banne ennemis et banne désordres. Li aussi fine réunir banne musulmans sous le système du Khilafat.

Hazrat Abu Bakr^(r.a) ti tellement content le Saint Prophète^(s.a.w) ki même après la mort du Prophète^(s.a.w), li ti prend ène soin spéciale pou accomplir tous so souhaits. Pendant so banne dernier jours, le Saint Prophète^(s.a.w) ti organise ène l'armée pou envoye contre banne Romains qui ti commence envahir le nord. Sa l'armée-la ti encore dans Médina quand le Saint Prophète^(s.a.w) ti mort. Quand Hazrat Abu Bakr^(r.a) fine vine calife, la loi et situation endans et endehors Médina ti fine bien délicat. En vue de sa danger-là beaucoup compagnons du Saint Prophète^(s.a.w) ti conseille li pas envoye

ça l'armée-là contre banne Romains. Mais Hazrat Abu Bakr^(r.a) fine réponde: "Qui l'autorité le fils de Abu Qahaafah éna pou arrête c'est qui le Saint Prophète^(s.a.w) ti commencer."

4. Hazrat Umar^(r.a) (1^{ère} partie)

So prénom c'était Umar, Farooq ti so titre et Ibn-Ul-Khattaab ti so nom de famille. Li ti naît en l'an 581 AD dans Mecca et li ti appartenir à ène famille noble des Quraish. Li ti ène businessman renommé et li ti pé faire business avec banne délégation de la Syrie et Iraq.

Quand le Saint Prophète^(s.a.w) ti annoncé ki Allah fine faire li Prophète, Hazrat Umar^(r.a) ti vine ène ennemi de l'islam. A tel point qui ène jour li ti prend so l'épée depuis so la case et li ti décide pou alle assassine le Saint Prophète^(s.a.w). Lors so chemin, ène dimoune dire li ki mieux vaut li assassine so soeur et so beau-frère qui ti déjà accepter l'islam. Alors li décide pou alle directe côte zotte et li tape la porte et puis li tende récitation Quran. Sa faire li plus en colère et li commence batte so beau-frère et li fine blesse so soeur ki ti pé essaye protége so époux. Alors so soeur dire li avec ène la voix résolue: "Umar! To capave batte nous combien to oulé mais jamais nous pas pou renonce à nous la foi." Sa banne paroles-la finne calmer li et li alors demande zotte pou récite ène morceau du Saint Coran. Hazrat Umar^(r.a) ti tellement émue par sa récitation-la ki larmes ti remplie so li-yeux. Alors li fine alle directement côte le Saint Prophète^(s.a.w) et li fine accepter l'islam. Comme li ti ène dimoune fort et brave et qui ti éna beaucoup influence dans Mecca, li ti ène la force pou banne musulmans. Sa changement miraculeux de Hazrat Umar^(r.a) ti en effet résultat de banne doahs ki le Saint Prophète^(s.a.w) ti faire pou Hazrat Umar^(r.a).

Hazrat Umar^(r.a) ti sacrifié so dubien et ti dédié so la vie pou l'islam. Li ti bien intelligent et li ti éna taqwa (crainte d'Allah). Li fine participe dans

presque tous batailles avec le Saint Prophète^(s.a.w) ki ti pé consulter li pou beaucoup zaffaire important. Li ti parmi les dix graciés que le Saint Prophète^(s.a.w) fine dire qui pou gagne Paradis comme Hazrat Abu Bakr^(r.a).

5. Hazrat Umar^(r.a) (2^{ème} partie)

So Khilafat :

Hazrat Umar Bin Khattab^(r.a) ti le deuxième successeur du Saint Prophète^(s.a.w). Pendant so dix années de Khilafat, l'état islamique ti grandi et ti éna beaucoup progrès. Ti éna la paix et prospérité partout dans l'état.

Pendant so Khilafat, banne musulmans ti besoin la guerre contre Iran, Iraq, la Syrie et l'Egypte. Et en résultat, beaucoup territoires de sa banne pays-la fine vine sous l'état musulman. Quand banne musulmans fine conquérir la ville de Jérusalem dans Palestine en l'an 17 (Hijri), Hazrat Umar^(r.a) personnellement ti alle visite la ville-la lors ène requête de banne Romains et c'est alors qui ène traitée de paix ti signé entre musulman et banne peuples de Jérusalem.

A part conquête de banne grand territoires, Hazrat Umar^(r.a) ti prend beaucoup soin de la vie de so banne disciples. Li fine mette en place ène très bonne administration pour l'état islamique et so Khilafat fine marque ène periode important dans l'histoire de l'Islam. Quelques-uns de so banne réussites sont :

1. Etablissement du Majlis Shura, corps consultative pour le calife.
2. Division de l'état islamique en provinces (petits départements) pou facilite zotte administration.
3. Etablissement de ène département finance, construction de banne l'écoles, mosquées dans différent l'endroit.
4. L'introduction de ène calendrier islamique Hijra.

Hazrat Umar^(r.a) ti bien pieux, généreux et ti éna beaucoup vision. Li ti éna banne bon qualité comme la bravoure, honnêteté et simplicité. Li ti tellement soucieux de bien-être de so banne dimounes qui souvent li ti pé personnellement déguise li pendant la nuit et ti pé alle guetter si quelqu'un besoin d'aide. Ene fois pendant so patrouille à soir, li trouve ène madame ki ti pé cuit ène zaffaire dans ène pot et so banne zenfants ti pé pleurer à côté li. C'est alors ki li apprendre qui sa banne zenfants-la pas fine manger depuis deux jours et ki pot ki lors du feu-la ti éna seulement de l'eau et ti juste pou console zotte. Hazrat Umar^(r.a) immédiatement fine alle prend tous les nécessaires pou donne madame-la. Lor so la route ène de banne serviteurs de Hazrat Umar^(r.a) fine propose li pour aide li, mais li fine dire li : 'Le Jour du Jugement, to pas pou tenir mo fardeaux.' Madame-la, qui jamais pas ti rencontre Hazrat Umar^(r.a) ti tellement content, qui li commence prier fort fort pou li : « Qui Allah faire toi calife dans place Umar. » Quand Hazrat Umar^(r.a) fine entende sa li fine commence pleurer et li fine sorti sans dire ène mot.

En l'an 644 AD, Hazrat Umar^(r.a) ti agressé par ène esclave Perse pendant ki li ti pé faire namaz. Sa coup-la fine tuer le calife et li fine mort à l'âge de 63 ans. Li ti vraiment ène très grand calife et so Khilafat ti vraiment ène periode doré dans l'histoire de l'Islam.

6. Ki faire banne enseignements de banne religions, zotte différents?

Si tous religions vinne depuis ène seul Dieu, alors ki faire zotte enseignements éna autant de différence ?

Après l'époque de Hazrat Nouh^(a.s), li paraîte qui banne dimounes ti disperse bien bien loin dans différents parties du monde. Moyen de communication ti bien pauvre c'est-à-dire qui ti bien difficile pour voyage de ène l'endroit à ène l'autre. Et li ti difficile pou ène prophète de ène l'endroit

pou communique so message avec les autres.

Le développement de l'esprit humain ti différent dans chaque région. Alors Allah ki Très Sage ti envoye à chaque nation ène prophète avec ène niveau enseignement qui ti approprié pour le besoin de sa nation-la.

Avec lé temps, banne enseignements de banne religions pas fine reste dans forme qui li ti révélé. Dans certain cas, banne suivants de sa banne religions-la, zotte-même, zotte ti pé introduire banne changements dans banne livres ki ti révéler. Zotte fine aussi adopté banne coutumes et croyances de banne les autres peuples.

Avec le temps banne dimounes fine commence faire progrès. De plus en plus banne pays finne vinne habitable et banne moyen de communication finne commence améliorer entre zotte. Donc ti éna le besoin pou ène religion universel c'est-à-dire pour tous banne peuples du monde entier. Aussi, ti éna tellement changements dans banne enseignements de banne religions ki ti vini avant, ki ti besoin qui Allah envoye ène nouveau guide avec ène message pur.

Dieu le Tout Puissant finne réponne à sa besoin de ène seul religion, en envoyant So Messenger, le St Prophète, Hazrat Muhammad^(s.a.w) et So message parfait à l'humanité, c'est-à-dire l'Islam. Allah fine dire qui l'Islam li la religion finale.

En arabe, le mot Islam veut dire obéissance et paix. Alors Islam veut dire soumettre nous à ça ki Allah fine ordonné et reste en paix avec tous banne créatures d'Allah. En d'autres mots, Allah fine envoye l'Islam pou rapproche banne dimounes avec Allah Ki fine créé zotte et pou améliore qualité relations ki éna entre banne dimounes.

Islam li donne nous banne enseignement complet de la vie. So enseignements explique nous en détails comment nous besoin agir pou ki nous servi nous raisonnement pour gagne banne faveurs d'Allah qui fine créé nous.

Banne enseignements de l'islam trouve dans le Saint Quran et dans banne hadiths et sunnah c'est-à-dire banne dires et actions du St Prophète Mohammad^(s.a.w).

7. Mousleh Maoud^(r.a)

(1) Prophétie concernant le fils promis à (3) L'éducation udu Mousleh Ma'oud^(r.a)

8. Mousleh Maoud(2^{ème} partie)

Quelques anecdotes de l'enfance du Mousleh Ma'oud^(r.a)

Quand Hazrat Mousleh Ma'oud^(r.a) ti éna trois ans, li ti pointe so lédoigt vers ène zétoile brillante et li ti dire : « *Mo oulé alle dans ça zétoile-là !* » Li ti pleuré beaucoup pour ça. Hazrat Massih Ma'oud^(r.a) ti essaye détourne so l'attention mais en vain. Il fine continué pleuré jusqu'à qui li fine fatigué.

Ène l'autre évènement ti arrivé dans so l'enfance quand li ti éna quatre ou cinq ans. Li ti prend quelques manuscrits du Messie Promis^(a.s) et li ti brûle zotte. Quand le Messie Promis^(a.s) ti averti de ça incident-là li fine simplement remarqué :

« *Pas faire narien. Probablement Allah ti envie qui mo écrire ène meilleur texte qui celui qui fine détruire.* »

Ène fois encore le Messie Promis^(a.s) fine demande Hazrat Mousleh Ma'oud^(r.a) si li rappelle ène partie quelconque de so sermon qui li ti faire au cours de ène Jalsa Salana. Li ti éna alors que 10 ans et li fine faire ène résumé complet de ça sermon-là dans so propre mots. Ça ti faire le Messie Promis^(a.s) ène grand plaisir.

Hazrat Mousleh Ma'oud^(r.a) raconté qui quand li ti éna 11 ans li fine pose li

la question : qui faire li croire dans Allah et si Allah existé vraiment ? Li fine longuement pense lors-là jusqu'à fort tard dans la nuit. Le résultat après sa réflexion-là c'est qui li ti fermement croire dans l'existence d'Allah. Li ti tellement content qui li fine étale ène drap sur le sol, et li fine prié. Au cours de sa namaz-là, li ti rempli d'émotion et li fine pleuré abondamment. Et li ti faire serment qui dans l'avenir li pas pou rate aucun namaz.

9. Prononciation de banne alphabètes arabes

Exercice pratique

10. La vie du Messie Promis

(1) So naissance et so l'enfance à (4) Hazrat Ahmad(a.s) défende l'Islam

2ND TERM- MAY TO AUG

11. Hygiène personnelle

Hazrat Mohammad(s.a.w) fine dire qui: « La propreté c'est la moitié de la foi. » Ici pé cause lors la propreté de nous lé-corps, de nous l'esprit et nous l'âme aussi. Li très important qui ène musulman garde li-même propre ainsi qui so l'environnement : c'est-à-dire so la case, so chemin, tout autour de lui.

Hadrat Massih Ma'oud (as) dire: Mo garde comme camarade banne qui cherche la pureté intérieur et extérieur. La propreté extérieur li aide et renforci la propreté extérieur. Si ene dimoune délaisse la pureté extérieur et qui li pas purifier li, alors li pas pour capave garde li pure à l'intérieur aussi. Alors magine ça bien, qui la pureté extérieur li obligatoire ensemble avec la pureté intérieur. A cause ça même qui li important qui ene dimoune bisin faire ghousal,

c'est-à-dire prend en bain complet au minimum chaque Jummah. Et avant chaque Namaz, bisin faire Wuzu et quand ou ena pour alle dans Jama'at alors mette parfum. Hadrat Mohammad (saw) fine conseiller pour mette parfum le jour de Jummah et le jour d'Eid, parcequi quand banne dimoune réuni ensemble, ena la possibilité qui mauvais l'odeur répanne parmi banne dimoune. Donc quand ene dimoune pour purifier li, pour mette linges propre et pour parfume li, ça pour vine ene moyen pour protège contre banne mauvais l'odeur...'

Hazrat Khalifatul Massih Al-Khamis fine dire dans so Khutba :

« Et li très important pour ene croyant, pour li adopter ça banne qualité la, parcequi Allah content la proprété et la pureté. Et Allah ena de l'amour pour banne qui garde zotte propre et pure. Pareil comment Allah dire: 'Assurément Allah content banne qui faire taubah et banne qui garde zotte propre.' Mais pareil comment fine dire dans ça verset Qur'an-là, Allah pour content ene dimoune quand ensemble avec so proprété physique, li purifier li intérieurement avec Taubah et demande pardon. Li le devoir de chaque Ahmadi, qui après qui nous fine revendiquer qui nous fine ammene imaan, nous bisin porte ene attention spéciale lors nous proprété intérieur et extérieur, afin qui nous l'âme et nous le corps attire l'amour d'Allah, tous le deux ensemble. »

Dans hadice, rapporter qui Hadrat Mohammad (saw) ti pe conseil pour garde banne chemin propre de tout saleté et roches. Au contraire Hadrat Mohammad (saw) li même, li ti pe leve banne saleté depuis lors chemin pour alle jette ça quelque part. Et li fine dire: 'Celui qui garde banne chemin propre, Allah pour content avec li et pour recompense li.'

Banne Nassirat besoin éna l'habitude pour garde zotte propre en prenant ène bain tous les jours et change zotte linge. Zotte besoin aussi gagne l'habitude pour mette l'ordre dans zotte la chambre, faire zotte li-lit le matin et pliye

zotte banne linge et drap zotte même. En plus de ça zotte capave aussi donne ène coup de main pour garde zotte la case et zotte la cour propre.

12. La vie du Saint Prophète^(s.a.w)

(1) So l'enfance et so jeunesse à (2) So mariage avec Hazrat Khadija^(r.a).

13. Roza

(a) Garde Roza dans le Mois de Ramadhan

Garde roza pendant le mois de Ramadhan li obligatoire lor chaque musulman adulte. Banne qui malades et qui pé voyager zotte pas gagne droit garde roza pendant le mois de Ramadhan. Mais zotte besoin remplace tout roza qui zotte finne manqué plus tard. Ceux qui vraiment pas pou capave garde roza (qui trop vieux ou trop faible, banne madames ki enceintes ou ki allaité), gagne droit nourri ène pauvre tous les jours du jeûne qui zotte finne manqué (Fidya).

(b) Roza Nawafil

En plus de roza obligatoire du mois de Ramadhan, nous capave garde roza nawafil n'importe quand nous content. Éna six roza nawafil après Ramadhan, juste après Eid-ul-Fitr, au début du mois lunaire de Shawaal, qui le St Prophete^(s.a.w) ti pé gardé.

(c) Bénédiction de Roza

Garde roza li ène source de beaucoup de bénédiction. Voici ène résumé des bénédiction qui nous gagné:

- Garde ou loin du mal: en gardant roza ène musulman li abstenir li de

banne choses qui ti permis pour la cause d'Allah. Alors li vinne facile pou li reste loin de banne choses qui haraam (qui pas permette) et contre le mal qui Allah finne défanne.

- Gagne discipline lor nous même et la sympathie pour banne pauvres: garde roza li promouvoir ène discipline lor nous même et l'endurance. Li aussi renforce lien entre banne dimounes, surtout entre banne pauvres et banne riches. Pendant le Ramadhan le St Prophète^(s.a.w) ti pé faire beaucoup de charité aux pauvres, plus qui d'habitude.
- Roza élève nous spirituellement: garde roza li promouvoir la spiritualité et l'amour d'Allah pou So banne serviteurs. D'après le St Prophète^(s.a.w), Allah Li-même Li vinne la recompense pou sa croyant qui pé garde roza-là, et Li pardonne so banne péchés et accepter so la prière.
- Améliore la santé physique: roza li amène ène changement saine dans système nous le corps et promouvoir la santé
- La nuit du décret: Allah le Très Généreux accepter doah et pardonne à ceux ki gagne le Lailatul Qadr ou la nuit du décret. C'est ène la nuit béni qui trouve dans ène de banne dix dernier nuits du mois de Ramadhan.

(d) Itikaaf

Itikaaf, c'est reste dans masjid pendant les dix derniers nuits du Ramadhan pou faire l'adoration et le Zikr-illahi d'Allah seulement. Celui ki faire ça appelle ène Mu'takif. Li besoin pas causé pendant Itikaaf excepté si bien besoin. Li pas gagne droit quitte masjid excepté si li besoin alle faire Jummah ou visite ène malade. Sinon li préférable li pas quitte masjid dutout et utilise so létemps pou faire banne namaz en plus et lire Quran.

14. Hazrat Uthman Ghani^(r.a)

Hazrat Uthman Ghani^(r.a) ti élu troisième Khalifa par ène groupe dimounes ki Hazrat Umar^(r.a) ti choisir avant li mort. Li ti appartenir à ène famille bien connu Banu Umayya de la tribu Quraish. Li ti tellement généreux envers banne pauvres ki li ti gagne titre Ghani qui veut dire ‘celui qui suffit à li-même’.

C’est Hazrat Abu Bakr^(r.a) ki fine faire Hazrat Uthman^(r.a) rentre dans l’Islam. Li ti gagne beaucoup difficulté à cause so chacha ti pé persécute li. Deux fois li fine besoin quitte la Mecque et alle Abyssinie et puis à Médine. Le Saint Prophète^(s.a.w) ti bien content Hazrat Uthman^(r.a) à tel point qui li fine marié li avec so tiffille Ruqayyah. Quand Ruqayyah fine mort li fine marié avec ène deuxième tiffille du Saint Prophète^(s.a.w) qui ti appelle Umme Kulthoom. A cause sa même Hazrat Uthman^(r.a) ti connu comme Zoun-Noorain, qui veut dire ‘celui qui éna deux la lumière’.

Hazrat Uthman^(r.a) fine tout le temps dépense so dubien dans chemin d’Allah. Li ti acheté ène puits de l’eau extrêmement cher avec ène juif pour banne musulmans. Pour la guerre de Tabouk li ti donne 10,000 dinars, 1,000 chameaux, 70 chevaux chargés de provisions à banne musulmans. C’est ène des dix dimounes qui le Saint Prophète^(s.a.w) fine annoncé qui li pou rentre dans paradis.

Pendant qui Hazrat Uthman^(r.a) ti Khalifa l’empire musulman fine faire beaucoup progrès. Banne musulmans ti pé envahir partout. Banne dimounes ti pé senti zotte en sécurité et en paix. Hazrat Uthman^(r.a) fine continué travail qui Hazrat Abu Bakr^(r.a) ti faire concernant le Quran. Li fine faire banne copies standard du Saint Coran pour qui tout dimounes lire Quran de la même façon. C’est Hazrat Uthman^(r.a) li-même qui fine occupe ça travail-là.

Mais so six derniers l’année de Khilafat fine bien difficile, fine éna beaucoup désordres surtout à cause Abdullah Bin Sabah ène juif qui ti vine musulman

juste pour faire désordre et affaiblir l’Islam. Hazrat Uthman^(r.a) ti ène dimoune qui pas ti content la violence. Banne musulmans ti commence rebellé contre li, mette banne fausse accusations contre li. Zotte ti envie li quitte Khalifat. Mais Hazrat Uthman^(r.a) ti conné qui ène Khalifa c’est Allah qui choisir, pas dimoune. Hazrat Uthman^(r.a) ti montré beaucoup patience et tolérance envers banne rebelles. Li pas ti oulé la guerre contre zotte.

Hazrat Uthman^(r.a) fine assassiné à l’âge de 82 ans le 17 juin 656 AD pendant qui li ti pé lire Quran. Li fine sacrifié so la vie pou l’Islam.

15. Hazrat Ali^(r.a)

Hazrat Ali^(r.a) ti garçon de Abu Talib, chacha du Saint Prophète^(s.a.w). Li ti né à Mecca 30 ans après le Saint Prophète^(s.a.w). So papa Abu Talib et so mama Fatima ti grandi le Saint Prophète^(s.a.w) pendant so l’enfance. Quand Hazrat Ali^(r.a) ti né c’est le Saint Prophète^(s.a.w) qui ti élève li parce qui so papa Abu Talib qui manque l’argent. Li ti rentre musulman à l’âge de 11 ans. Li même ti plus jeune parmi banne qui ti accepté l’Islam en premiers.

C’est Hazrat Ali^(r.a) qui ti reste dans li-lit du Saint Prophète^(s.a.w) quand le Saint Prophète^(s.a.w) ti quitte Mecca pour alle Médina. Banne mecquois ti planifier pou tué le Saint Prophète^(s.a.w) mais le matin zotte fine trouve Hazrat Ali^(r.a) dans place le Prophète^(s.a.w). Zotte ti bien en colère. Hazrat Ali^(r.a) pas fine dire zotte côte le Saint Prophète^(s.a.w) ti été, malgré tout menace qui zotte fine faire. Hazrat Ali^(r.a) ti ene soldat brave et adroit. Li fine combattre auprès du Saint Prophète^(s.a.w) tout le temps. Li ti ene dimoune malin, éduqué et bien pieux. Ene fois le Saint Prophète^(s.a.w) ti dire: “Mo ene la ville de connaissance et Ali c’est so la porte.” C’est-à-dire qui à travers Hazrat Ali^(r.a) nous capave gagne banne connaissance qui Hazrat Mohammad^(s.a.w) ti donne à banne musulmans.

Hazrat Ali^(r.a) ti marié avec Hazrat Fatima^(r.a) ti fille du Prophète^(s.a.w). Hazrat

Ali^(r.a) ti parmi sa 10 dimounes qui le Prophète^(s.a.w) ti dire pou rentre dans Paradis. Le 23 juin, 656AD, six jours après la mort de Hazrat Uthman^(r.a), banne musulmans ti choisir Hazrat Ali^(r.a) pou vine quatrième Khalifa. Sa l'époque-là ti éna beaucoup désordre dans Médine. Alors Hazrat Ali^(r.a) fine alle en Iraq. Quand li fine vine Khalifa de banne musulmans, certains, parmi lesquels ti éna Hazrat Talha et Hazrat Zubair, ti envie qui Hazrat Ali^(r.a) venge la mort de Hazrat Uthman^(r.a). Mais sa pas ti plus important travail pour Hazrat Ali^(r.a). Pou li, pli important c'était rétablir l'ordre. C'est alors qui Hazrat Talha et Hazrat Zubair fine lève ène ti l'armée pou alle la guerre. Hazrat Ayesha^(r.a) qui pas fine bien comprend ki ti pé arrivé fine joindre zotte et ensemble tous les trois fine alle vers Basra.

Hazrat Ali^(r.a) fine faire so maximum pou pas éna sa la guerre-là mais pas fine réussi. Avant même bataille fini Hazrat Talha et Hazrat Zubair fine quitte zotte poste et fine trouve la mort. Hazrat Ayesha^(r.a) fine perdi bataille-là. Mais Hazrat Ali^(r.a) fine traite li avec tout le respect et fine occupe li et fine mette li en sécurité. Ti appelle sa la guerre la bataille de Jamal (chameau) parce qui Hazrat Ayesha^(r.a) ti monte ene chameau pou la guerre. Après Hazrat Ayesha^(r.a) fine bien chagrin qui li fine lève ene la guerre contre Hazrat Ali^(r.a).

Après bataille Jamal, Hadhat Ali^(r.a) fine dire Ameer Muawia pou accepté li comme so leader et soumette dans l'intérêt de l'Islam. Mais Ameer Muawia fine refuse sous prétexte qui pas fine venge Hazrat Uthman^(r.a) so la mort.

Ameer Muawia avec Amr Bin Aas fine léve ène l'armée contre Hazrat Ali^(r.a). Hazrat Ali^(r.a) pas fine éna le choix et fine besoin alle la guerre. (2 juillet, 567 AD)

Fine éna beaucoup la perte dans sa la guerre-la des deux côtés, mais personne pas fine gagné. Alors zotte décidé pour passe zotte cas devant ene la cour. Hazrat Ali^(r.a) ti représenté par Abu Musa-al-Ashari et Ameer Muwiah ti représente Amr Bin Aas. Mais la-aussi pas fine accepté décision qui Abu

Musa-al-Ashari fine prend.

Là-aussi ène bon partie dimoune ti rebellé contre Hazrat Ali^(r.a) et forme ene l' autre groupe côte zotte nomme zotte Ameer. Sa groupe-la ti appelle Khawaarij qui veut dire "Banne en dehors". Hazrat Ali^(r.a) fine faire so maximum pou explique zotte qui zotte besoin soumettre mais pas fine réussi. Fine éna ène bataille côte beaucoup Khawaarij fine mort.

Après zotte défaite banne Khawaarij fine faire plan pou assassine Hazrat Ali^(r.a) et Hazrat Ameer Muawiah et Amr Bin Aas. Deux dernier-là fine réussi sauvé. Mais zotte fine attaque Hazrat Ali^(r.a) quand li ti alle Namaz Fajr. Li fine mort deux jours après. Hazrat Ali^(r.a) ti ène Khalifa courageux et pieux qui fine sacrifié so la vie pour le Khilafat.

16. La bonté envers les autres

Dans Quran Allah dire :

« Et adore Allah et pas associé nanrien are Li et zotte besoin montré la bonté pou zotte papa mama et pou banne parents proche et pou banne orphelins, et pou banne pauvres, et pou banne voisins ki famille are zotte et pou banne voisins ki pas famille are zotte et pou banne compagnons ki à côté zotte et pou banne voyageurs et pou banne ki zotte la main droite possédé. En vérité, Allah pas content banne dimounes orgueilleux et fier, banne ki faire laré et ki enseigne banne dimounes faire laré et ki cachiette ça ki Allah finne donne zotte dans So grâce. » (chapitre 4. versets 37-38)

Hazrat Mohammad^(s.a.w) fine dire qui après la foi en Allah, meilleur qualité c'est la bonté et gentillesse envers banne dimounes. Nous besoin honore nous prochain. Nous besoin montré de la gentillesse à banne qui plus faibles qui nous, comment banne âgés, banne infirmes, etc. Nous besoin essaye aide banne qui en difficulté selon nous capacités et nous moyens. Si nous

éna qui que chose en plus, nourriture, linges, etc. nous besoin partager li avec banne qui pauvres. Hazrat Mohammad^(s.a.w) dire qui la main qui donné li meilleur qui la main qui prend.

Même si nous pas éna nanrien pou donner ène dimoune, nous capave au moins dire li quelques paroles gentilles, et même si nous pas éna nanrien pour dire, au moins nous capave faire ène sourire qui ène acte de charité. Nous pas besoin guetter ène dimoune avec dédain mais nous besoin toujours montré humilité et gentillesse.

Hazrat Mohammad^(s.a.w) fine aussi dire qui nous besoin pas garder rancune contre ène musulman plus qui trois jours. Si nous capave pas garder rancune contre personne, li plus bon encore. Hazrat Mohammad^(s.a.w) fine aussi dire qui si ène dimoune cache à peché de so camarades, Allah pour effacer so péchés. Nous besoin toujours penser du bien de nous camarades. Nous besoin souhaiter toujours pour nous prochain, ça qui nous souhaiter pou nous-mêmes.

17. Obéissance Envers Les Parents

Dans Quran, Allah dire :

« Et to Seigneur finne ordonné ki zotte pas adorer aukène à part Allah et ki zotte montré la bonté pou zotte papa-mama. Si ène dans ça deux-là, ou bien tout les deux vine vieux côte toi, jamais pas dire banne-là ène parole ki montré dégoût, ni faire zotte aukène reproche, mais cause are zotte avec banne paroles gentille. » (chapitre 17, versets 24)

Allah fine enseigner nous dans le Saint Coran qui nous besoin toujours respecter et obéir nous parents. Même quand zotte fine vine vieux nous pas besoin faire même ène ‘ouf’ avec zotte. Hazrat Mohammad^(s.a.w) fine dire qui li devoir ène zenfant pour guetter so banne vieux parents, occuper zotte

quand zotte vine vieux, faire zotte mangé, garde zotte dans propre, baigne zotte, etc. Pareil quand nous ti petit, nous parents fine guette nous, fine grandi nous, fine faire nous mangé, fine baigne nous, etc, comme ça même quand nous parents vine vieux, nous besoin occupe zotte.

Et Allah fine enseigne nous ène doah dans Quran pour nous parents :

رَبِّ اَرْحَمُهٗمَا كَمَا رَبَّيْتِنِي صَغِيرًا

‘Rabbirr hamhou-ma kamaa rabbayaanii swaghiiraa.’

“Mo Seigneur! Faire miséricorde are zotte tous les deux pareil comment zotte finne élevé moi dans mo l’enfance.” (17 :25)

18. Time table de banne activités à la maison

Aujourd’hui nous pou guetter ensemble comment zotte besoin dépense zotte lé-temps pendant ène jour entier. Comment tout banne tiffille conné, qui nous dans ène religion, Islam, et nous religion montré nous beaucoup de discipline, donc nous besoin faire nous la journée vine bien discipliné, c’est-à-dire qui tout quiquechose qui nous faire, besoin éna so l’heure et ki nous marche lor-la. Plus important à part tous ça, c’est le namaz. Premier zaffaire quand nous lèvé le matin nous besoin faire nous namaz Fajr dans l’heure qui fine dire, après ki nous fini faire nous toilette, c’est à dire lave nous, brosse nous lé-dent et faire wuzu. Après le namaz nous besoin prend ça l’habitude lire quelques lignes du St Quran le matin, parcequi dans quran Allah dire li bien content quand lire quran à l’aube c. à .d avant le levé du soleil. Après ça

nous mette ène ti l'ordre dans nous la chambre et prend nous petit déjeuner et nous paré pou alle l'école. Depuis 8hr30 à 3hrs nous pou trouve nous dans l'école et là-bas aussi nous dans beaucoup de discipline; éna ène l'heure pou rentré, l'assemblée, éna so l'heure pou faire anglais, français, maths, urdu, break, récréation et à 3hrs l'école fini. Donc tous ça lé-temps-là aussi ou fine reste dans ène discipline.

Aster-la quand ou retourne la case nous capave guette un peu dessin animé lé-temps ki nous pé prend nous du-thé. Vers 4hrs nous besoin prend nous bain et faire wuzu et prépare nous pou alle maktab. Là-bas nous pou alle faire nous namaz Zohr et Asr parcequi l'heure Zohr nous ti dans l'école. Dans maktab aussi nous besoin suivre so discipline pareil couma dans l'école et besoin donne beaucoup attention lors leçon quran, classe urdu et dinyaat. Quand nous retourne la case, nous besoin donne maman ène petit coup de main ensuite nous dîner. L'heure pou dîner li pas pareil pou tous dimoune, éna ki dîne avant namaz maghrib éna ki après, ça dépend. Après ki ou fini faire namaz maghrib ou guette un tipeu information ou si éna ène film documentaire. Après ou besoin faire ou devoirs et namaz Ish'a.

Jours ki ou prend leçon et qui ou pas capave alle maktab ou bizin, ki quand fini baigné, faire wuzu, faire namaz Zohr et Asr parcequi li pou déjà tard et maghrib pou près pou vini. Faudrait pas ki nous prend ça mauvais l'habitude faire tous namaz à soir sous pretexte qui nous pas finne gagne lé-temps. Allah pas pou content. Toute la journée ou finne gagne lé-temps pou faire tous les autres quiqchose, ler-la seulement namaz qui ou pas finne gagne lé-temps. Faudrait pas faire paresse, besoin faire bon tifille, vine bien serieux avec namaz.

Dans weekend zotte capave dormi un peu plus tard après le Fajr, mais besoin faire attention pou zotte classe Nassirat. Zotte besoin assister classe-là régulièrement parcequi c'est dans ça classe-là qui ou pou gagne beaucoup

de connaissance et ça pou augmente ou côté spirituelle.

Asterla dans congé l'école, ou pou gagne beaucoup plus lé-temps libre ou capave utilise ça pou ou lire banne tilivre histoire qui ou capave prend dans librairie ensuite apprend banne doahs. Banne sorties avec zotte parents, maktab, nasiraat oussi capave allé. Mais banne tiffilles pas prend ça mauvais l'habitude perdi tous ou banne lé-temps devant télévision avec dessin animé ou film indien, parcequi dans congé donne beaucoup ça banne film-là. Huzoor finne dire ça même qui pou fini nous banne zenfants, éna banne zenfants zotte assise devant télévision avant zotte alle l'école, comment zotte sorti l'école guette film même. Zotte pas faire namaz ni le matin parcequi zotte pé gagne tard pou paré pou alle l'école et ni dans l'après-midi aussi parce qui zotte donne priorité télévision. Donc, mo pé demande nous banne tiffille pou faire bien attention lor chaque moment de la journée pou qui zotte servi li bien. Zotte pé vine grand tiffille aster-là zotte besoin faire beaucoup doahs avec Allah pou demande Li So aide et pour qui Li garde zotte toujours lors droit chemin.

19. Bonnes actions

Meilleure action aux yeux d'Allah c'est action qui nous faire régulièrement, meme si li tiguite. Une bonne action, même combien li capave tiguite, mais si ou faire li régulièrement alors li pou faire ene dimoune vine plus bon. Dans chapitre 3 verset 23, Allah dire bisin ena persévérance dans faire bonne action. Tout bonne action compter aux yeux d'Allah, qui li tipti ou grand. Le Saint Prophete (saw) dire tout le temps ou bisin conscient de ou devoir envers Allah et jamais pas néglige plus petit bonne action ki ou capave faire. Éne petit exemple d'ene bonne action, c'est ki quand ou joine ene frère, ou faire ene sourire, li ene acte de charité.

Ou bisin courtois et fréquente banne ki pauvre et humble. Cela pou éleve

ou rang au yeux d'Allah et pas pou laisse ou vinne fière et arrogant.

Dans ene l'autre hadith, le Saint Prophete (saw) dire, visite banne ki malade, donne à manger banne ki faim et libère banne esclaves. Sa hadith-là mette l'emphase lors le besoin de soulage banne dimoune qui dans sa 3 qualités problèmes-là. Éne dimoune ki bisin reste dans so lilit à cause de quique maladie, li senti li tout seul et triste. Si ou rende li visite, li pou extra content et en même temps, ça faire li oublié so maladie pour ça ti moment-là. Commandement pou donne manger banne ki affamer et délivre banne esclaves, ça li vinne depuis Coran (90 : 13-17). Sa banne bonne actions-là classé comme banne meilleure actions ki ene dimoune capave faire.

Si nou envie imite quique dimoune, nous bisin prend l'exemple du Saint Prophete(saw) ki ti éna banne excellents qualités morales (68 :5) et li ti l'exemple parfait pour l'humanité.(33 :22)

20. Contrôle ou colère

Éne hadith depuis Bukhari dire:- ène dimoune fort c'est celui ki éna ene contrôle totale lors li-même quand li en colère, mais pas celui ki gagnant quand li pé la guerre. Commentaire lors sa hadiths-là dire ki, ène dimoune éna banne mauvais sentiments dans li ki pousse li pou faire banne mauvais kitchose. Alors ene dimoune li bisin la guerre contre ça banne mauvais désirs-là.

La colère amène ène dimoune à faire banne kitchose ki pas bon et la colère empêche ène dimoune gagne ène comportement normale. Dans Quran ch 3 verset 135 Allah dire, banne dimoune ki peur Allah , c'est banne ki éna ene contrôle lors zotte colère et banne ki pardonne les autres. Alors, vrai courage c'est quand ène dimoune réussit contrôle so colère et pas laisse li emporter à banne mauvais comportements.

3RD TERM- SEP TO DEC

21. Les 6 articles de foi ou nous banne croyances

Imaan veut dire 'la foi' : c'est-à-dire banne zaffaires qui nous besoin croire quand nous fine accepté l' Islam. Dans ène hadith du St Prophète(s.a.w) fine dire qui la foi (Imaan) c'est ki nous besoin croire en Allah, So banne anges, So banne livres, So banne prophètes et dans le Jour du Jugement et qui nous besoin croire dans le décret d' Allah. (Muslim)

Donc éna six articles de la foi ou croyances islamiques:

- Croyance en Allah
- Croyance dans les anges d' Allah
- Croyance dans banne livres d' Allah
- Croyance dans banne Prophètes d' Allah
- Croyance dans le Jour du Jugement
- Croyance dans le décret d' Allah

22. L'unicité d' Allah

Croyance en Dieu, le Créateur et Maître de l'univers, li commun dans tous religions. Mais le nom « Allah » en arabe li applique seulement à ène seul Dieu et personne d' autre. Depuis so base même sa mot-la veut dire l'unicité absolue de Dieu dans toute so pureté. L'unicité de Dieu veut dire ki Allah Li le Seul Dieu de tous dimounes lor la terre dans le passé, le present ou le futur.

Islam mette l'importance qui nous besoin croire fermement dans banne différent attributs d' Allah, c'est-à-dire banne qualités d' Allah. Nous besoin conné ki Allah Li le Créateur et Contrôleur de l'univers ; Li le Maître de tous les mondes, Li Gracieux et Miséricordieux, Li le Maître du Jour du jugement.

Le Quran réfère à plus de cent noms de banné attributs d'Allah. Mais en fait Allah So banné attributs li infini, c'est-à-dire qui Allah possède tellement de qualités qui nous pas capave compté.

23. Hazrat Khadija^(r.a)

Hazrat Khadija^(r.a) ti ène riche veuve ki ti pé reste à Mecca et quand Hazrat Khadija^(r.a) finne tendé ki qualité populaire et honnête le St. Prophète^(s.a.w) ti été, li finne alors faire le S. Prophète^(s.a.w) travaille comme so agent pour faire commerce pour li. Alors le St. Prophète^(s.a.w) finne dirige banné commerce dans banné caravanes vers la Syrie, et le St. Prophète^(s.a.w) ti pé faire so business gagne beaucoup profits. Hazrat Khadija^(r.a) ti bien impressionné et alors li finne faire au Prophète Mohammad^(s.a.w) ène proposition de mariage et par la suite, le Prophète^(s.a.w) finne accepté. Le St. Prophète^(s.a.w) ti éna 25 ans quand li finne épouse Hazrat Khadija^(r.a), qui li ti éna 40 ans. Hazrat Khadija^(r.a) finne alors mette tous so du biens et esclaves à la disposition du Prophète^(s.a.w). Le Prophète^(s.a.w) finne distribué ène grande partie de so du bien parmi banné pauvres et ensuite finne choisir pou vivre ène la vie très simple. Li fine aussi libère tous banné esclaves.

Quand le St. Prophète^(s.a.w) ti gagne premier révélations dans le cave de Hira, li ti gagne très peur et tracas. Quand li fine arrive chez li, et raconte so madame ce qui fine arrivé et comment li pé tracassé. Li ti pé tremblé en bas ene couverture. Alors so épouse, Hazrat Khadija^(r.a), fine encourage li et ti dire li:

“Certainement Bon Dieu pas oulé déshonore ou, parce qui ou énan beaucoup l'attention pour ou banné proches, ou aide banné qui faibles, ou travail pour banné qui fine perdi zotte droit, ou énan considération pour ban qui invite ou et tous le temps ou prêt pour aide banné victimes de bannes dominère.”

Hazrat Khadija^(r.a) ti premier madame ki fine accepté l' Islam et tous les temps li fine supporte Hazrat Mohammad^(s.a.w) dans so mission.

Hazrat Khadija^(r.a) finne mort 2 ans avant le Hijrah suite à blocus qui tous banne musulmans ti besoin subir pendant trois ans. Pendant ça blocus-là, banne Mecquois non-musulmans ti refuse pou donne mangé ou travail à banne musulmans. Banne musulmans ti besoin retire zotte dans ène vallée appelle Abu Tâlib côte zotte ti besoin même mange feuilles pou survivre.

Le Prophète^(s.a.w) pas finne marié avec aucun les autres madames pendant ki li ti marié avec H. Khadija^(r.a). Hazrat Khadija^(r.a) ti gagne 7 enfants avec le Prophète^(s.a.w). Aucun les autres madames du Prophète pas ti éna zenfants avec le Saint Prophète^(s.a.w), excepté Hazrat Mariah^(r.a) ki ti gagne ène garçon, Ibrahim, mais ça garçon-là finne mort quand li ti éna 18 mois.

Bannes noms de ça 7 enfants de Hazrat Khadija^(r.a) et du Saint Prophète^(s.a.w) sont:-

3 garçons: Qasim, Tahir et Tayyab

4 filles: Hazrat Zainab, Hazrat Ruqayyah, Hazrat Ummi Kalthoom et Hazrat Fatimah^(r.a).

Hazrat Fatimah^(r.a) ti marié avec Hazrat Ali^(r.a) et zotte finne gagne 2 garçons, Hassan et Hussein.

24. Hazrat Aisha^(r.a)

Hazrat Aisha^(r.a) ti la fille de Hazrat Abu Bakr^(r.a) et Oumme Rouman. Li ti bien intelligente et li ti éna beaucoup de connaissance dans l'histoire de banne arabes et dans la poésie. Li ti aussi ène bonne oratrice.

Quand Hazrat Aisha^(r.a) so demande ti cassé avec Jubair, le St

Prophète(s.a.w) fine marié avec Hazrat Aisha^(r.a). Hazrat Abu Bakr^(r.a), c'est-à-dire papa de Hazrat Aisha^(r.a) ti faire le nikah. H.Aisha^(r.a) ti passe 9 ans de so la vie aux côtés du Prophète(s.a.w). Le St Prophète(s.a.w) ti bien content Hazrat Aisha^(r.a) à cause de so l'intelligence et so piété.

Hazrat Aisha(r.a) ti âgé de 18 ans quand Hazrat Mohammad(s.a.w) ti mort. Hazrat Aisha^(r.a) ti éna ène très bonne mémoire et li fine rapporte beaucoup hadiths ki fine cités dans banne livres authentiques de Hadiths. Après la mort de Hazrat Mohammad(s.a.w) banne musulmans ti pé vine consulté Hazrat Aisha(r.a) quand zotte ti besoin conseils concernant la pratique de l'Islam. Hazrat Aisha^(r.a) ti enseigne à banne missié, madames et zenfants dans Masjid Nabuwi à Medina. Li ti éna environ 200 élèves. Li ti bien généreuse et charitable. Li fine libère beaucoup esclaves. Dans la bataille de Uhud li ti charié de l'eau lors so lé dos pou alle donne banne blessés. Li fine mort à l'âge de 67 ans et li fine enterré dans cimetière Jannat-ul-Baqi à Médina.

25. Wuzu and tayyamoum

Un de banne beautés de l'Islam, c'est ki nous capave pratique li dans tous bannes circonstances. Alors si ene dimoune malade ou si péna de l'eau côte li été, ça pas pou empêche li faire so namaz qui très important parce qui le namaz purifié nous.

Ène jour le Saint Prophète(s.a.w) finne demande so banne compagnons ene question: « Si ène dimoune baigné 5 fois par jour dans sa la rivière qui coulé devant so la porte-la, est-ce qui pour éna quique saleté lors so le corps? So banne compagnons réponne : « Non, Prophète d' Allah. » Alors le Saint Prophète(s.a.w) dire : « Coumme ça même si ène dimoune faire namaz 5 fois par jour, li pou lavé de tout péchés. » Donc le namaz li tellement important qui sous aucun prétexte ène dimoune pas besoin quitte namaz.

Alors si ou en voyage et ou pas éna de l'eau, ou si ène dimoune malade et qui li pas capave utilise de l'eau pour faire wuzu, li gagne droit remplace le wuzu par le **tayammoum**. Ou besoin pose ou deux la mains dans la poussière, ou le sable ou la terre propre, et tape la mains ensemble pour enlève banne la poussière en plus. Puis passe ou deux la mains lor ou visage, et lor ou deux la mains jusqu'aux poignets. Et puis ou besoin faire doah wuzu.

26. Hospitalité

1. Quand nous envoye banne mangé à banne invité, nous besoin toujours couvert li.
2. Si nous éna deux invités nous besoin traite tous les deux pareil.
3. Pour recevoir nous banne invités nous besoin pas faire banne dépenses en dehors nous moyens et nous pas besoin éna aucun formalité.
4. L'hôte besoin pas insisté qui l'invité mange encore ou continué fixé invité-là pendant tout le repas, guetté combien li pé mangé, etc. ça pour rende invité là mal à l'aise.
5. Ou bizin accepté ène l'invitation, faudrait pas ki ou refuse ène cadeau et faudrait pas ki ou la guerre avec ou prochain .
6. Celui ki pa accépté ène l'invitation, pé désobeir à Allah et So Messenger, et celui ki rentre dans ène la case sans permission, li rentrer couma ène voleur.
7. Quand fine fini pose mangé à table, besoin laisse la personne principale ou le meilleur d'entre zotte commencé
8. Quand quelqu'un rende ou visite, honore li. Le plus mauvais de banne dimoune, c'est celui ki pas honore so l'invité.
9. Ene invité éna droit reste pendant 3 jours: après ça 3 jours-là, si li

continué resté, ça pou compte comme ène acte de charité pour celui qui pé recevoir. Alors ène invité besoin fini allé après ça 3 jours pou ki li pas embarasse l'hôte-là.

10. Quand quelqu'un rende ou visite, honore li.

11. Quand ène invité pé quitte nous la case nous besoin accompagne li. Ça c'est ène sounnat.

27. Rechercher la connaissance

Dans Quran ch 20 v 115: Allah dire

Continuer banne supplications: « Allah augmente mo connaissance. »

Le Saint Prophete(s.a.w) fine aussi dire :-

1. Li obligatoire pour chaque musulman pour gagne la connaissance.
2. Celui ki appranne dans so jeune âge li couma dire fine écrire dans roche et celui ki appranne dan so vieux jours li couma dire pé écrire lor de l'eau. (Donc quand nous appranne quand nous petit connaissance-là resté tou les temps)
3. Ene dimoune bizin recherche la connaissance, li bizin envie appranne et gagne la dignité et tranquillité d'esprit, et li besoin humble et respecté so professeur
4. Faire l'honneur à celui ki fine donne ou connaissance.(Honore ou banneprofesseurs)
5. Préserve la connaissance en écrivant. Cherche l'aide avec ou la main droite en écrivant cé ki ou kapave oublié.

28. Hadj: Pèlerinage à la Maison d'Allah (1^{ère} partie)

Le Hadj ou le pèlerinage à la Mecque li obligatoire lor chaque musulman adulte (au moins ène fois dans so la vie) si li éna le moyen et la capacité pour entreprendre sa voyage-la et qui li capave rentre en sécurité à la Mecque. Le Hadj fine fixé dix semaines après l'Eid-ul-fitr. Li commence le huit et continué jusqu'à le douze de chaque mois lunaire de Dhul-Hijjah.

Pèlerinage à la Mecque, l'endroit le plus sacré de l'Islam, li associé avec sacrifice du Prophète Ibrahim(as) et de so garçon Ismaël(a.s). Li offert ène occasion pou banne musulmans de différent pays et de diverse races pou joine et discute banne zaffaires mondiales.

(a) La Sainte Ka'aba

La Ka'aba, le point central du Hadj, li premier place qui finne éna dans le monde pou adore Allah depuis le temps de Hazrat Adam(a.s). Les prophètes Ibrahim(as) et Ismaël(as) ti reconstruire li quelque quatre mille ans de cela. Banne musulmans du monde entier tourne zotte vers la Ka'aba quand zotte faire namaz. Sa amène ene sens de discipline et d'unité parmi banne musulmans.

Voici ène résumé de banne différent rites de Hadj :

(b) Ihraam et Talbiyyah

Le Hadj commencé quand les pèlerins arrive à ène certain place près de la Mecque. Les pèlerins rentre dans ène l'état de Ihraam (pou missié seulement) en portant deux morceaux de drap blanc qui pas cousu et zotte récite le Talbiyyah:

« Mo présent, O Allah, mo présent

Mo présent, To péna partenaire, mo présent
En vérité tous louanges et bontés zotte pou Toi
Et pou Toi le royaume, To péna partenaire »

(c) Tawaf du Ka'aba et Sa'ee entre Safa et Marwah

Après banne pèlerins faire le tour Ka'aba (tawaf) sept fois, en commençant à partir de la pierre noire (hajré Aswad) et zotte tourne dans direction inverse de ène réveil (anti-clockwise).

Après zotte faire Sa'ee, gallopé entre deux collines de Safa et Marwah qui trouve près côte Ka'aba en mémoire de Hazrat Hajirah^(r.a) qui ti galoper dans sa place-la, à la recherche de l'eau pou so garçon Ismaël(a.s).

29. Hadj: Pèlerinage à la Maison d'Allah (2^{ème} partie)

(d) Séjour à la Plaine d'Arafat

Depuis Mecca banne pèlerins alle Minaa, ène la plaine quatre miles à l'est de Mecca. Le lendemain matin, après le namaz fajr, zotte alle Arafat. Zotte prier pendant zotte séjour à Arafat depuis l'après-midi du 9^{ème} jour de Dhul Hijjah jusqu'au coucher du soleil. C'est place côte le St Prophète^(s.a.w) ti faire so discours d'adieu. En retournant à la Mecque, zotte prier à Muzdalifah et après zotte reste Minaa le 10 de Dhul Hijjah.

(e) Séjour à Minaa

Les pèlerins reste à Minaa le 10 de Dhul Hijjah côte en premier zotte faire la cérémonie de Rami-al-Hijaar, ène acte symbolique, en lapidant satan avec banne cailloux côte trois piliers. Après banne pèlerins sacrifier zotte animaux, après zotte rase zotte la tête et termine l'état de Ihraam c'est-à-dire zotte

habille zotte normalement. Sa jour-la, banne musulmans dans le monde entier célébrer Eid-ul-Adhia. Avant qui le 10^{ème} jour de Dhul Hijjah terminé, zotte faire le tawaaf et sa'ee pour la deuxième fois à la Mecque et encore ène fois retourne à Minaa.

(f) Tawaaf d' Adieu à Mecca et la Fin du Hadj

Après ki zotte reste ène ou deux jours à Minaa, banne pèlerins retourne à Mecca le 12 ou le 13 de Dhul Hijjah et faire le Tawaaf d' adieu de la Ka'aba et c'est la fin du Hadj.

(g) Umraah

Tandis qui Hadj besoin faire à certain dates qui fine fixé, pour Umraah (le petit Hadj) ou capave faire li à n'importe quel moment de l'année. Pour Umraah le pèlerin besoin mette le Ihraam, li besoin faire Tawaaf de la Ka'aba et li besoin aussi accomplir Sa'ee entre les collines de Safa et de Marwah.

30. Écrire à Huzour Aqdas

Tous banne zenfants Ahmadi besoin écrire Huzour Aqdas souvent et demande Huzour Aqdas pour faire doah pour zotte. Nous pas besoin attanne absolument qui nous éna l'examen pour qui nous écrire Huzour Aqdas ; mais nous besoin faire li ène l'habitude. Nous besoin aussi dans nous lettre demande Huzour Aqdas faire doah pour tout banne zenfants du monde entier pour qui zotte gagne protection d'Allah contre banne mauvais quittechoses qui passé dans le monde. Nous besoin demande Huzour Aqdas faire doah pour nous banne parents, nous banne frères, sœurs, camarades, parents proches, banne qui malades, etc. Nous pas besoin écrire beaucoup mais quelques lignes pour suffit.

HADITHS: DIRES DU ST PROPHÈTE(S.A.W)

1ST TERM

1. Reprend ène cadeau

Celui qui reprend so cadeau, li comment dire li pé lisse so propre vomì.
(*Muslim*)

L'échange de banne cadeaux, c'est ène moyen pou augmente l'affection entre banne dimounes. Si quiquène li essaye reprend ène cadeau ène fois qui li fine offert li à quelqu'un, ça dimoune-là pé faire preuve de ti-l'esprit et d'avarice. De ça façon-là, l'amour li capave changer vinne la haine. C'est pou ça le St-Coran fine interdire ène tel action. (57:25)

2. La gentillesse envers banne plus petits et respect envers banne plus grands.

Celui qui pas gentil envers banne plus petits et pas reconnaîte droits banne aînés, li pas de parmi nous. (*Abu Dawood*)

D'après ça Hadith-là, banne grands bizin traite banne plus petits avec gentillesse et considération et pas considère zotte comme inférieur. De la même façon, banne plus petits bizin montrer respect et considération pou banne qui plus grands qui zotte.

2ND TERM

3. L'apprentissage et l'enseignement du Saint Coran

Le plus bon parmi zotte, c'est celui qui appranne le St Coran et enseigne li. (Bukhari, Kitab Faza'ilul Qur'an).

Dans ène l'autre Hadith (*Muslim*), le St Prophète(s.a.w) ine dire: "Continué lire le Qur'an tous les temps parce qui li pou intercède pou zotte le Jour du Jugement."

4. Recherche de la connaissance.

Acquérir la connaissance, li obligatoire lor chaque missié et madame musulman. (*Baihiqi*).

Le Saint- Coran demandé (39:10): *“Banne ki posséde connaissance, esse-ki zotte pareil are banne ki péna connaissance?”*

Donc, li obligatoire lor chaque missié et madame musulman pou essaye acquérir ène position remarquable, qui li dans domaine académique ou religieux, à travers beacoup d’efforts et en faisant ça doah-là (20 :115).

3RD TERM

5. Persistance dans la prière

Abandonne la prière, c’est ène péché.

Le St-Coran (25:78) dire: *“Dire: “Si pas ti éna zotte la prière, mo Seignére pa ti pou prend zotte aukène compte.”*

Donc, li claire qui l’humanité bizin toujours prier Allah. Péna aucaine remplacement pou ça. Le Qur’an (19:66) dire:” *Alors faire So l’adoration et persévéré dans So l’adoration. ”*

6. Ene mot de bonté.

Ene mot de bonté, li ène acte de charité. (*Bukhari*).

Si ou explique ène dimoune ène acte de vertu et convaincre li pou faire li, et si ça dimoune-là réforme li même et faire ène bon action, ou aussi, ou pou gagne ène récompense égal. Donc, dire ène quiquechose vertueux à quelqu’un, et si ça dimoune-là li pratique conseil-là, li pareil comment dire ou pé faire ça acte-là ou-même.

کہ اس عالم کون کا ایک خدا ہے	بری رات دن بس یہی اک صدا ہے
ستاروں کو سورج کو اور آسماں کو	اسی نے ہے پیدا کیا اس جہاں کو
دہ مالک ہے سب کا وہ حاکم ہے سب پر	وہ ہے ایک اس کا نہیں کوئی ہم
ہر اک کام کی اس کو طاقت ہے حاصل	ہر اک چیز پر اس کو قدرت ہے حاصل
سمندر کو اس نے ہی پانی دیا ہے	پہاڑوں کو اس نے ہی اونچا کیا ہے
اسی نے تو قدرت سے پیدا کئے ہیں	یہ دریا جو چاروں طرف بہ رہے ہیں
گھریلو چرندے بنوں کے درندے	سمندر کی مچھلی ہوا کے پرندے

Atfâl-ul-Ahmadiyya ka Tarânâ

Méri raat dine bass yéhi ik sadaa hai
Ké iss aalamé kaun ka ik Khouda hai
Oussi né hai paida kiya iss jahan ko
Sitaaron ko souraj ko aurr aasman ka
Wo hai ék ousse ka nahign ko-i hamsarr
Wo Maalik hai sab ka wo Haakim hai sab parr
Harr ék tchiiz parr ousse ko quoudrat hai haassil
Harr ék kaam ki ousse ko taaquat hai haassil
Pahaaron ko ousse né hi ountcha kiya hai
Samoundar ko ousse né hi paani diya hai
Yé darrya jo tchaaron taraf bèh rahé hein
Oussi né to quoudrat sé païda kiyé hein
Samoundar ki matchli hawa ké parindé
Gharélo tcharine-dé banon ké darine-dé

La Symphonie des Atfâl-ul-Ahmadiyya

Ce poème, dans lequel Mirza Bashir-ud-din Mahmoud Ahmad(r.a) proclame l'existence de Dieu, a été publié dans le journal Al-Fazl en janvier 1944.

Traduction

- Mes jours et mes nuits ne sont qu'un cri:
- Que cet univers n'a qu'un Dieu.
- C'est Lui Qui a créé ce monde;
- Ces étoiles, ce soleil et ce ciel
- Il est Un; Il n'a pas d'égal;
- Il est le Maître de toutes choses. Il est le Juge Universel
- Toute chose est acquise par Sa puissance;
- Toute action émane de Sa force
- C'est Lui Qui a élevé les montagnes,
- C'est Lui Qui a inondé le océans
- Et ces rivières qui sillonnent les terres,
- C'est Sa puissance qui les a fait naître
- Les poissons dans l'eau et les oiseaux dans le vent,
- Les animaux domestiques, et les bêtes sauvages.